

LA DOUS CHIVAU

S'es tirassado sus tóuti li camin de prouvènço, e à Sant-Troupés, li gendarmo l'an rendudo celebrou, la 2 CV festejo si 60 an.

Pa jo 16



Prouvènço aro

Tóuti li mes, lou journau de la Prouvènço d'aro

Mai 2008

n° 233

2,10 €

Nosto lengo carivendo

Nosto lengo costotrop car l'Estàt francès De bon verai, lou ministre de l'Educacioun, lou Savi Darcos, se v'ataca i lengo raro p' respargna 3000 postes d'enseignant.

S'es avisa que li licean poudien prene en oúpcioun au bacheleirat 59 lengo vivents e regionals. B'n segur nosto lengo es dins la banasto au coustat de l'aross, l'indi, lou pul, lou svahili, lou bambara, lou tamoul e tout lou restant.

L'ensignament aqueli lengo costotrop car la couleitiveta.

Es un bu raport de la Coummission di finanças e de l'Educacioun nacionale que lou dis: "la mission recomando de diminuir de mita lou nombre de d'oupcioun de determinacion di classe de segounde".

La mobilisacion di aparaires di lengo regionalo sara que mai d'atualita.

La castagno vai tuba

B. G.

Tóuti de fretoboto?

En Prouvènço, de mai en mai, lis usins, li fabricos, lis endustri barrons. Fan ce que dison de delocalisacion. Fau pas se figura qu'acò èi degu à l'asard. Es un affaire alesti de longo man, la realisacion di idèio, teouri e proujet di ecounomista di annado 60-70, coume Segne Mansholt de sinistro memòri.

À la plaço meton d'estructuro unencamen destinado au tourisme. Ansin soun despargu li chantié navau de La Ciutat, ramplaça pèr de chantié d'adoubamen destina i soulet batèu di miliardari. À Marsiho, arrèston plus de tira à boulet rouge sus lou port de coumèrci, fin de leissa la plaço à n-un port destina à reçaupre li batèu de crousiero gigant que carrejon li retretat american plen d'arbiho. Sus li ribo de la Mar de Berro an coumença de barra li rafinarié de petròli fin de leissa la plaço i touristo qu'aurien ansin à sa dispousicion un plan d'aigo remirable pèr ana faire de plancho à velo e se trempa lou tafanari sènso pòu di gròssis erso de la mar liéuro. En Camargo, i Salin de Giraud, an barra li salin e l'entre-presso s'èi delocalisado en Tunisiò. Tre aro es previst uno residènci de tourisme de 800 lié à sa plaço sus un terren de 8 eitaro. Sara uno residènci HQE, coume dison, valent à dire pas pèr lou pichot pople, mai pèr li gènt d'ou pessu.

Que siegue à la Ciutat, à Marsiho, sus la Mar de Berro o i Salin, dins tóuti li cas, li gènt d'ou rode saran aqui au service di gènt qu'auran proun de mounedon pèr... se faire servi.

D'à cha pau anan tóuti deveni fretoboto pèr li gènt d'ou gros grum!

Liounèu de Volvent

Nosto Damo dóu Lau



Santeta

Lou dimenche 4 de mai l'evesque de Gap vai proununcia au Santuari de Nosto Damo dóu Lau lou decret de reconeissènço dóu caratère subre-naturau di aparicion de la Vierge à Benezeto Rencurel.

Pajo 2

Fournarié

De four à cade n'i'en à moulon dins noste relarg miejournau.

Vuei forço soun arrouina, mai n'en trouban encaro qu'auquis un que soun pas tomba en frun emai i'aguèsse plus de caufu.

Pajo 6

Pinturo

À l'ocasioun de soun anniversari, uno esposicion se debanè à Touloun tout lou mes d'abriéu. Un parcours à la descuberto de Pertus èro possible pèr faire miés counèisse aquest artisto dins noste relarg.

Pajo 4

La manifestacion

Couneissèn pas encaro li decisioun preso à Beziés en seguido dóu grand debat sus l'aveni de noste parla, mai estènt l'anóncio dóu Ministre de l'Educacioun nacionale de supremi l'ensignament di lengo regionalo dins lis escoles de la Republico, es tout vist que lou mouvament de mau-contentament vai despasa noste país. Alsacian, Basque, Bretoun, Catalan, Corse, Ch'ti Picard, i'anaren tóuti.